



中國方志叢書·華北地方·第四四六號

據

清·張道超等修，馬九功等纂  
清道光十八年刊本

影印

河南省

# 伊陽縣志

(一)

成文出版社有限公司印行

重印伊陽縣志序

經以載道史以紀事在國家者謂之史在郡邑者謂之志晉之象楚  
之檮杌魯之春秋名雖不同其義則一洪荒初闢結繩紀事荒遠無  
可稽考尚書作於二帝三王之世實為史志之濫觴有周及漢左遷  
孟堅父子相繼而起出其錦繡之才運以如椽之筆遂樹後世史志  
之範兩漢以下道喪文弊作史者不明旨義非褒貶濫施背史例之  
繁嚴即記載繁冗失後世之信仰近世學者至謂史鑑為帝王之家  
牒實非過刻之論下至穢史魏收輩更卑卑不足道矣余十載芸牕  
遐然有史志改善之想宦海浮沉志未能逮客歲夏杪捧檄來伊求  
邑乘久不可得既得之則素蟬灰絲蒙盡卷軸蓋以兵燹而後剗剗  
之藏既成灰燼世家故藉又多付祝融以俱盡鄉區士紳救死不贍

相率督飭子弟罷琴書執干戈以衛其身家生命於此不能禦亂不堪療飢之志乘久已棄等弁髦矣余為悚然者久之蓋伊志自廢清道光十八年修訂後迄今將及百載其間忠孝節義足資表揚河山改易政事變遷足資記載者已難勝數更兼十六年分縣之後北東西兩區不屬念二年合縣以還兩區復歸而不完其舊十八年悍匪陷城盤據五月閱之久官解巨第同付一燼雖亂後建設漸復舊觀已大有河山依舊城郭亦非之概如此巨變實不啻易桑田為滄海削高岸成峻谷不有記載後世何觀不有舊帙修訂何據惟以殘缺不完之邑兵火飢饉之後官民既已交困志乘之修時日尚須有待若此吉光片羽之不存年復一年其不至淪胥以盡者幾何因尋廢資以原本付之手民廣印積藏用作將來修志之嚆矢云爾

中華民國二十四年一月一日鄔陵張習讚謹序



序

國有史郡邑有志紀載雖殊所  
係之重一也周禮大司徒掌天  
下輿曷司馬掌職方小史外史  
掌邦國四方之志唐李吉甫作  
元和郡縣志及國計簿謂為政  
序

者，執此可治天下。夫宰相治天下，以是爲重守，今治一郡一邑，何獨不然？今夫事之垂世傳遠者，有初必有繼，有創必有修，未可忽而不爲，或憚而爲之不力也。志乘特其一端耳，雖然難言。



之矣制屢更而屢變跡愈久而  
愈湮散棄荒忽在所不少難一  
或隨事雜錄漫無別裁其失蕪  
或騁才華矜淹博標目風景侈  
陳金石其失濫蕪與濫並乖謹  
嚴之旨難二昔人謂士大夫平

日不肯作上志書事及修志書  
則人人爭要上秉筆者不能不  
寄權於採訪偶未精察便非實  
錄難三兼此三難而求克有攸  
當非具學術而識政體者不能  
伊邑志書創始於胡公續修於

孫謝崔三公乾隆三十一年吳  
門李西谷先生率是邑取舊志  
之繁者刪之誤者正之略者補  
之不支不蔓無黨無偏其諸不  
辭難而欲得當者歟至於今七  
十餘載矣凡戶口之生息風俗  
序

三

伊

之移易物產之盈縮人材之輩  
出吏治之臧否城垣廨宇之修  
築與夫祥異水旱之在天孝弟  
節烈之在人靡不日增歲異及  
今不輯則大者疑信參半小者  
湮滅無聞後之人即欲遠稽遐

考其奚從而徵之爰不揣固陋  
聘名士集邑紳分司纂校予於  
簿領之暇共佐鉛槧搜採維勤  
考訂維慎甄覈維公自夏徂冬  
乃訖厥事其體例較李志略有  
變通非立異也亦韓詩外傳所

序

謂不貴苟難之意爾書成識其  
梗概於簡端

道光十有八年歲次戊戌仲冬  
月伊陽縣知縣張道超書

伊陽縣志原序

僕東海下走筮仕之始承乏伊陽仰見功令之嚴而諸憲台臺  
別之至惠養斯民之切蓋罔不夙夜兢惕凜凜乎履鍊是懼乃  
貿貿然來見夫城小而完民稀而樸士貌古而神靜以為殫厥  
心焉庶幾稱職之易及受事焉而深歎其難也曷難乎爾憲檄  
諄復者招徠乃有招徠之名而無招徠之實以招者既來復去  
之眾非能於戶口之外新集流亡也憲檄諄復者開墾乃有開  
墾之名而無開墾之實以墾者既熟復荒之地非能於榛莽之  
墟廣闢田疇也外此而庭可羅雀者民貧無事之可爭非形清  
政簡使之無訟也巷無吠犬者糧少無逋之可追非寓撫於催  
使之殷足也自是四達之流渠不濬五都之貿遷不興菁莪之

人文不蔚即日惴惴夙夜何裨於茲土而不懼覆餗乎所幸者諸憲臺洞悉民隱俯察時艱取伊之民而啖林之取伊之吏而寬勩之以是得以黽勉從事而徐徐焉喘息也茲奉憲檄纂修伊志伊邑之舊志無存矣伊邑之新聲未著矣延訪名碩得之常劉兩先生見聞之所及者彙為一書呈附省郡之末因思僕以憔悴拊循之時得與於文獻洋洋之盛又不可不為厚幸也而其所以克圖報效者將安在也古訓曰太平之吏愜愜無華日計不足月計有餘是僕所當履懷也夫而爾士民之所以上

報答

高厚者又將安在古訓曰瘠土之民勞勞則思義思義則善心生是爾士民所當履懷也夫夫富盛亦何常之有十年生聚十年教



訓民亦可衆邑亦可大也僕烏敢以甘自菲薄者菲薄爾士民而爾士民又烏可以甘自菲薄者菲薄夫僕于哉是為序順治己亥冬月上浣之吉東海孫光晷拜手題

伊陽縣治設于明成化十有一年距今數百餘歲其先掌故無存遺事莫考迄順治己亥中丞賈公始有纂修之舉又康熙庚午中丞閻公復檄令續修前令魏君之京董其事書成甫上旋蒙駁易會魏君以丁憂去余待罪承乏遂不獲辭弁陋與邑紳士殫力蒐討刪蕪補闕凡三閱月而其役始竣方繕寫呈覽適中丞有撫黔之行遂以中止茲蒙今大中丞顧公檄下取閱益懼荒陋無當宗工復與諸紳士重加校讐錄帙既成因系一言於其端曰夫志之為書即古國史之道也古者一國有一國之